

Broj: 03-34-276-4/25
Mostar, 04.03.2025. godine

BOSNA I HERCEGOVINA
FEDERACIJA BOSNE I HERCEGOVINE
Parlament Federacije Bosne i Hercegovine
Dom naroda
Sekretar
Hamdije Kreševljakovića 3
71 000 Sarajevo

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno 07-03-2025			
Org. jeb.	Broj	Priloga	Vrijednost
05/2	-02-	11/	25

PREDMET: Delegatska inicijativa delegatkinje Sanele Klarić – dopuna odgovora, dostavlja se

VEZA: Akt v.d. sekretara Doma naroda Parlamenta Federacije BiH broj 05/2-02-11/25 od 21.01.2025. godine i akti Vlade Federacije BiH br. 03-04-156/25 od 28.01.2025. godine i 03-04-257/2025 od 11.02.2025. godine, te akt Federalnog ministarstva obrazovanja i nauke broj 03-34-276-3/25 od 20.02.2025. godine

Poštovani/e,

Federalno ministarstvo obrazovanja i nauke je zaprimilo akt v.d. sekretara Doma naroda Parlamenta Federacije BiH, broj i datum veze, u prilogu kojeg je dostavljena inicijativa Sanele Klarić, delegatkinje u Domu naroda Parlamenta Federacije Bosne i Hercegovine, koja glasi: „Poštovani, na osnovu člana 10. Poslovnika o radu Doma naroda Parlamenta Federacije Bosne i Hercegovine („Službene novine Federacije Bosne i Hercegovine“, broj 27/03, 21/09 i 24/20), Vladi Federacije Bosne i Hercegovine i Federalnom ministarstvu obrazovanja upućujem delegatsku inicijativu za prijeko potrebno vraćanje profesionalnog zanimanja vatrogasca u obrazovni sistem u Federaciji Bosne i Hercegovine.“

S tim u vezi vas obavještavamo da je Federalno ministarstvo obrazovanja i nauke kantonalnim ministarstvima nadležnim za oblast obrazovanja uputilo akt, broj 03-34-276-1/25 od 30.01.2025. godine, i dvije urgencije, broj 03-34-276-2/25 od 17.02.2025. godine i 03-34-276-2-1/25 od 04.03.2025. godine, kojima smo tražili mišljenje na predmetnu delegatsku inicijativu, a koju smo dostavili u prilogu našeg akta. U našem odgovoru, broj i datum veze, smo vas obavijestili da smo zaprimili mišljenja od sljedećih ministarstava: Ministarstva obrazovanja, nauke, kulture i sporta Unsko-sanskog kantona, Ministarstva za obrazovanje, nauku, kulturu i sport Zeničko-dobojskog kantona i Ministarstva znanosti, prosvjete, kulture i športa Kantona 10, koja smo i dostavili u prilogu našeg odgovora. Naknadno smo zaprimili mišljenje Ministarstva za odgoj i obrazovanje Kantona Sarajevo, ali i obavještenje Ministarstva prosvjete, znanosti, kulture i sporta Posavskog kantona da su već dostavili odgovor delegatkinji gđi Saneli Klarić.

U skladu sa navedenim, u prilogu ovog akta dostavljamo mišljenje Ministarstva za odgoj i obrazovanje Kantona Sarajevo, kao i odgovor Ministarstva prosvjete, znanosti, kulture i sporta Posavskog kantona.

S poštovanjem,



MINISTRICA
Jasna Duraković
prof. dr. Jasna Duraković

Prilog: - kao u tekstu

Dostaviti:


- naslovu,
- Sanela Klarić, delegatkinja u Domu naroda Parlamenta Federacije BiH,
adresa: Hamdije Kreševljakovića 3, 71 000 Sarajevo
- Vlada Federacije Bosne i Hercegovine, Generalni sekretarijat,
adresa: Hamdije Ćemerlića 2, 71 000 Sarajevo
- a/a



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 11-05/02-34-3740-1/25
Sarajevo, 07.02.2025. godine



FEDERALNO MINISTARSTVO OBRAZOVANJA I NAUKE

Ul. Ante Starčevića bb

88000 Mostar

n/r ministricе

PREDMET: Odgovor na inicijativu Sanele Klarić, delegatkinje u Domu naroda Parlamenta Federacije Bosne i Hercegovine, *dostavlja se*

(Veza: Vaš akt broj: 03-34-276-1/25 od 30.01.2025. godine)

Poštovana,

aktom broj i datum Veze, obratili ste se Ministarstvu za odgoj i obrazovanje Kantona Sarajevo (u daljnjem tekstu: Ministarstvo) informacijom da ste zaprimili akt sekretara Doma naroda Parlamenta Federacije Bosne i Hercegovine, broj: 05/2-02-11/25 od 21.01.2025. godine, u prilogu kojeg je dostavljena inicijativa Sanele Klarić, delegatkinje u Domu naroda Parlamenta Federacije Bosne i Hercegovine, koja glasi: „Poštovani, na osnovu člana 10. Poslovnika o radu Doma naroda Parlamenta Federacije Bosne i Hercegovine („Službene novine Federacije Bosne i Hercegovine“, broj: 27/03, 21/09 i 24/20), Vladi Federacije Bosne i Hercegovine i Federalnom ministarstvu obrazovanja upućujem delegatsku inicijativu za prijeko potrebno vraćanje profesionalnog zanimanja vatrogasca u obrazovni sistem u Federaciji Bosne i Hercegovine“.

Dalje, molite da Ministarstvo navedenu delegatsku inicijativu i obrazloženje razmotri te Vam dostavi mišljenje o istoj.

S tim u vezi, u nastavku teksta Vam dostavljamo odgovor Ministarstva o delegatskoj inicijativi.

ODGOVOR: Ministarstvo pozdravlja inicijativu Sanele Klarić, delegatkinje u Domu naroda Parlamenta Federacije Bosne i Hercegovine, za vraćanje profesionalnog zanimanja vatrogasca u obrazovni sistem u Federaciji Bosne i Hercegovine.

U odnosu na predmetnu inicijativu, koristimo se prilikom informisati Vas slijedeće:

- JU Srednja škola za okoliš i drveni dizajn Sarajevo obrazuje učenike za zanimanje vatrogasac-III stepen.
- Da bi se afirmisalo srednje stručno obrazovanje i potakli učenici završnog razreda osnovne škole za nastavak školovanja za zanimanja trećeg stepena, među kojima je i zanimanje vatrogasac, Ministarstvo kontinuirano, svake školske godine, osigurava sredstva za stipendiranje učenika koji se obrazuju za deficitarna zanimanja. Stipendije se dodjeljuju učenicima prvog, drugog i trećeg razreda koji se obrazuju za zanimanja III stepena.



- U svrhu provođenja reforme srednjeg stručnog obrazovanja, Ministarstvo je na osnovu iskazanih potreba tržišta rada formiralo Radnu grupu za kreiranje upisne politike u srednjim školama u Kantonu Sarajevo. Radnu grupu osim predstavnika Ministarstva čine predstavnici: Privredne komore Kantona Sarajevo, Udruženja poslodavaca Kantona Sarajevo, Obrtničke komore Kantona Sarajevo, Ministarstva privrede Kantona Sarajevo, Ministarstva za rad, socijalnu politiku, raseljena lica i izbjeglice Kantona Sarajevo, JU „Služba za zapošljavanje „ Kantona Sarajevo, Instituta za razvoj preduniverzitetskog obrazovanja Kantona Sarajevo i Sindikata srednjeg obrazovanja.
- U reformskom procesu srednjeg stručnog obrazovanja, Ministarstvo uvažava jasno artikulirane stavove poslodavaca i obrtnika da je potrebno inovirati nastavne planove i programe/kurikulume u skladu sa potrebama tržišta rada, osobito one koji ne prate razvoj nauke, tehnike i tehnologije te izraditi nastavne planove i programe/kurikulume za nova zanimanja za koja je tržište rada iskazalo potrebu.
- Poslodavci i obrtnici su iskazali spremnost da učestvuju u izradi nastavnih planova i programa/kurikuluma temeljenih na ishodima učenja, te revidiraju opise poslova i utvrde znanja i vještine potrebne za obavljanje poslova navedenih u obrazovnim profilima.
- Na prijedlog Radne grupe koja je izvršila sveobuhvatnu analizu potreba tržišta rada, Ministarstvo je formiralo Stručne timove za izradu predmetnih kurikuluma. U sastavu stručnih timova su nastavnici i stručnjaci iz realnog sektora koje su nominirali Udruženje poslodavaca Kantona Sarajevo i Obrtnička komora Kantona Sarajevo. Izrađeni su novi nastavni planovi i programi/kurikulumi za zanimanja: Stolar CNC operater i Projektant odjeće na računaru, a u toku je izrada predmetnih kurikuluma za zanimanja: instalater mašinskih cijevnih instalacija, autolimar/autolakirer, bravar/zavarivač, zidar/fasader/izolater, frizer/vlasuljar, laboratorijsko-sanitarni tehničar, ortodontski tehničar, prehrambeni tehničar, trgovac/prodavač, turistički i hotelijerski tehničar i ekonomski tehničar, grafički tehničar (IV stepen), tehničar multimedija (IV stepen), tehničar web dizajna (IV stepen) i operater štampe i grafičke dorade (III stepen).
- S obzirom da je proces reforme srednjeg stručnog obrazovanja dugotrajan proces, koji zahtijeva permanentnu analizu potreba tržišta rada, Ministarstvo na osnovu procjene proizašle iz analize, planira reformske procese i donosi odluku za koja zanimanja je potrebno inovirati važeće nastavne planove i programe/ kurikulume kako bi bili uporedivi i kompatibilni obrazovnim programima zemalja Evropske unije te koja nova zanimanja treba inkorporirati u obrazovni sistem.

S obzirom da JU Srednja škola za okoliš i drveni dizajn Sarajevo obrazuje učenike za zanimanje vatrogasac- III stepen, informišemo Vas da će Ministarstvo u narednom periodu, u saradnji sa relevantnim institucijama/poslodavcima, izvršiti analizu potrebe uvođenja zanimanja vatrogasac tehničar-IV stepen.

S poštovanjem,



Dostaviti:

1. Naslovu,
2. a/a.



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-128

Web: <http://mo.ks.gov.ba>, E-mail: mo@mo.ks.gov.ba



Broj: 06-34-173-3/25
Orašje, 18. veljače 2025. godine

Federalno ministarstvo obrazovanja i znanosti
Ante Starčevića bb
Mostar

PREDMET: Inicijativa, *odgovor, dostavlja se.*-

Poštovani,

slijedom Vašeg dopisa broj: 03-34-276-1/25 od 30. siječnja 2025. godine kojim tražite mišljenje o delegatskoj inicijativi delegatkinje Sanele Klarić o vraćanju profesionalnog zanimanja vatrogasca u obrazovni sustav u Federaciji Bosne i Hercegovine, obavještavam Vas da je Ministarstvo prosvjete, znanosti, kulture i sporta Županije Posavske odgovor na delegatsku inicijativu poslalo Domu naroda Federacije Bosne i Hercegovine, na ruke predlagateljice, te Vam u prilogu dostavljamo odgovor upućeni odgovor.



Ministrica

Ana Andrić, mag. iur.



Broj: 06-34-173-2/25
Orašje, 18. veljače 2025. godine

**Parlament Federacije
Dom naroda
Hamdije Krešeljakovića br.3
Sarajevo
n/r delegatkije Sanele Klarić**

PREDMET: Odgovor na akt broj: 05/2-02-11/25- Delegatska inicijativa od 21. siječnja 2025, *dostavlja se:*

Poštovana, slijedom Vašeg dopisa od 21. siječnja 2025. godine kojim je traženo razmatranje vraćanja profesionalnog zanimanja vatrogasca u obrazovni sustav u Federaciji BiH, obavještavamo Vas da isto u idućoj školskoj godini, u Županiji Posavskoj nije moguće. Naime, prema članku 3. stavak 1. Pravilnika o postupku utvrđivanja uvjeta i o sadržaju i načinu vođenja registra srednjih škola („Narodne novine Županije Posavske“ broj: 04/98) srednje škole ili ured za društvene djelatnosti osnivača do 31. siječnja tekuće školske godine podnose zahtjev za rad srednjih škola, odnosno prijedlog struka za iduću školsku godinu, što su srednje škole na području Županije Posavske i učinile. Također se svake godine održava sastanak sa predstavnicima Zavoda za zapošljavanje i gospodarske i obrtničke komore kako bi se utvrdile potrebe tržišta rada na području Županije Posavske.

Ministarstvo prosvjete, znanosti, kulture i sporta Županije Posavske će i dalje pratiti potrebe tržišta rada, osobito u Županiji Posavskoj te će, cijeneći Vašu delegatsku inicijativu, razmotriti upis i ove struke u idućim školskim godinama, ako za istom bude bilo potrebe.

Srdačan pozdrav,



Ministrica

Ana Andrić, mag. iur